

Obračun i isplatu naknada i troškova iz stavka 1. ovoga članka vrši Federalna uprava.

Visina naknade za osobe koje se na temelju ugovora iz članka 8. stavak 3. ove Uredbe, angažiraju u specijaliziranu postrojbu, za vrijeme pripravnosti, obuke i vršenja poslova u specijaliziranoj postrojbi može mjesечно iznositi do 30 % od prosječne plaće u Federaciji, prema posljednjem zvaničnom objavljenom podatku Federalnog zavoda za statistiku.

IX. PRIJELAZNE I ZAVRŠNE ODREDBE

Članak 26.

Kada, sukladno odredbi članka 199. Zakona o zaštiti i spašavanju, određeni timovi civilne zaštite za razminiranje iz Federalne uprave, pred u mjerodavnost kantonalnih uprava civilne zaštite, ti timovi postaju kantonalne specijalizirane postrojbe za obavljanje poslova zaštite i spašavanja za koje su se stručno obučili i sposobili prema čl. 18. i 19. ove Uredbe.

Članak 27.

Dinamika i realizacija zadataka utvrđenih ovom Uredbom za formiranje, opremanje i obučavanje specijaliziranih jedinica vršit će se i sukladno dinamici utvrđenoj "Programom razvoja zaštite i spašavanje ljudi i materijalnih dobara od prirodnih i drugih nesreća u Federaciji Bosne i Hercegovine 2007 - 2011" ("Službene novine Federacije BiH", broj 92/07) i prema prioritetima koji proizlaze iz Procjene ugroženosti Federacije Bosne i Hercegovine od prirodnih i drugih nesreća.

Prioritete u realizaciji pojedinih zadataća utvrđuje Federalna uprava, uz pribavljeni mišljenje Federalnog stožera.

Članak 28.

Ova Uredba stupa na snagu osmog dana od dana objavljivanja u "Službenim novinama Federacije BiH".

V broj 699/08

6. kolovoza 2008. godine
Sarajevo

Premijer

dr. Nedžad Branković, v. r.

917

Na osnovu člana 81. stav 4. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", broj 2/06, 72/07 i 32/08), na prijedlog Federalnog ministarstva prostornog uređenja, Vlada Federacije Bosne i Hercegovine, na 65. sjednici održanoj 6. augusta 2008. godine, donosi

UREDJB

O IZMJENAMA I DOPUNAMA UREDBE O TEHNIČKIM SVOJSTVIMA KOJE GRAĐEVINE MORAJU ZADOVOLJAVATI U POGLEDU SIGURNOSTI TE NAČINU KORIŠTENJA I ODRŽAVANJA GRAĐEVINA

Član 1.

U Uredbi o tehničkim svojstvima koje građevine moraju zadovoljavati u pogledu sigurnosti te načinu korištenja i održavanja građevina ("Službene novine Federacije BiH", br. 29/07) u članu 2. stav 1. riječi: "Zakonom o standardizaciji Bosne i Hercegovine ("Službeni glasnik BiH", broj 19/01), bosanskohercegovačkim državnim standardima (BAS)" zamjenjuju se riječju "pravilnicima".

Član 2.

U članu 3. stav 1. riječi: "bosanskohercegovačkim državnim standardima (BAS), tehničkim propisima i drugim propisima, urbanističkim uvjetima propisanim posebnim zakonom, te drugim uvjetima propisanim posebnim propisima koji su od uticaja na bitne zahtjeve za građevinu" zamjenjuju se riječima: "pravilnicima i tehničkim propisima, te urbanističkim uvjetima propisanim Zakonom o prostornom planiranju i korištenju

zemljišta na nivou Federacije Bosne i Hercegovine (u daljem tekstu: Zakon)."

Iza stava 1. dodaje se novi stav 2. koji glasi:

"Svi građevinski proizvodi, materijali i oprema koji se ugraduju u građevine moraju zadovoljavati uvjete propisane pravilnicima i tehničkim propisima o svojstvima građevinskih materijala, kao i urbanističkim uvjetima propisanim Zakonom."

Član 3.

U članu 8. iza stava 1. dodaju se novi stavovi 2. i 3. koji glase:

"Svi objekti koji su priključeni na niskonaponsku mrežu u roku od tri godine od dana stupanja na snagu ove Uredbe, moraju biti zaštićeni osiguračima-sklopkama-rastavljačima ugrađenim na mjestu priključka na niskonaponsku mrežu a koji zadovoljavaju uvjete propisane normom BAS EN 60947-3."

"Osigurači-sklopke-rastavljači iz stava 2. ovog člana se mogu ugraditi i na mjestima grananja niskonaponske mreže, čiji će optimalan broj zavisno od konfiguracije mreže odrediti nadležna elektrodistribucija."

Član 4.

U članu 10. stav 1. riječi: "tehničkim standardima za termičku obradu, odnosno toplinsku izolaciju" zamjenjuju se riječima: "pravilnicima i tehničkim propisima koji se odnose na uštedu toplotne energije, toplotnu zaštitu, sisteme ventilacije, klimatizacije i grijanja."

Član 5.

U članu 12. stav 1. mijenja se i glasi:

"- U slučaju rehabilitacije dobara koja su Odlukama Komisije za očuvanje nacionalnih spomenika, uspostavljene Anekson 8. Općeg okvirnog sporazuma za mir u Bosni i Hercegovini (u daljem tekstu: Komisija) proglašena nacionalnim spomenikom, odnosno građevine u kojima se licima sa umanjjenim tjelesnim sposobnostima osigurava nesmetan pristup, kretanje, boravak i rad, može se odstupiti od nekih bitnih zahtjeva za građevinu uz saglasnost Federalnog ministarstva prostornog uredenja (u daljem tekstu: Ministarstvo)."

Član 6.

U članu 13. stav 2. mijenja se i glasi:

"Održavanje i korištenje građevine vrši se u skladu sa pravilnicima, tehničkim propisima i pravilima struke."

Član 7.

U članu 14. stav 1. riječi: "sa Privremene liste nacionalnih spomenika kao dobara koja su na osnovu zakona pojedinačnim rješenjem nadležnog organa registrirana kao spomenici kulture, graditeljskog naslijeda, historijskog značaja ili prirodnog naslijeda" zamjenjuju se riječima: "koje je Komisija proglašila nacionalnim spomenikom".

Član 8.

U članu 16. stav 1. riječi: "diplomirani inžinjer i inžinjer odgovarajuće struke s položenim stručnim ispitom iz člana 30. Zakona o prostornom planiranju i korištenju zemljišta na nivou Federacije BiH ("Službene novine Federacije BiH", broj 2/06)" zamjenjuju se riječima: "pravno lice koje ima u stalnom radnom odnosu diplomiranog inžinjera ili inžinjera odgovarajuće struke s položenim stručnim ispitom iz člana 30. Zakona".

Član 9.

U članu 19. stav 1., tačka 2) brojevi: "18. i 19." zamjenjuju se brojevima: "16. i 17."

Član 10.

Ova Uredba stupa na snagu osmog dana od dana objavljivanja u "Službenim novinama Federacije BiH".

V 699/08

6. augusta 2008. godine
Sarajevo

Premijer
dr. Nedžad Branković, s. r.